

Pembangkok Hanya Tahu Berjanji Tanpa Fikirkan Kesan Pada Negara - Shafie Bernama
10 April , 2012

KUALA LUMPUR, 10 April (Bernama) -- Pakatan pembangkang hanya tahu menabur janji manis dan sekadar mahu mengaburi mata rakyat tanpa memikirkan kesannya kepada negara kelak, kata Naib Presiden Umno Datuk Seri Mohd Shafie Apdal.

Menyifatkan janji-janji pembangkang hanya gimik untuk meraih undi semata-mata, Shafie berkata janji-janji seperti menghapuskan kutipan tol, memberikan gaji minimum RM4,000 sebulan dan menghapuskan Pinjaman Tabung Pendidikan Tinggi Nasional (PTPTN) adalah tidak realistik.

"Bukan mudah untuk kita mengurus tadbir wang negara ini kerana ia memerlukan keseimbangan bagi mengimbangi keperluan negara seperti membina jalan raya, memberi tajaan biasiswa kepada pelajar dan menyediakan kemudahan infrastruktur lain untuk kegunaan rakyat.

"Janji macam-macam tapi apa yang penting kita lihat mereka tidak mampu serta tidak pernah tunaikan... lihat sahaja di Kelantan, pembangkang sudah memerintah lebih 20 tahun lebih namun kemudahan asas masih banyak lagi bergantung kepada kerajaan pusat," katanya.

Mohd Shafie, yang juga Menteri Kemajuan Luar Bandar dan Wilayah, berkata demikian kepada pemberita selepas merasmikan Seminar Tadbir Urus Korporat Majlis Amanah Rakyat (MARA) di sini, Selasa.

---BERNAMA

Hakcipta © 2012 BERNAMA

Source:<http://www.bernama.com/bernama/v6/bm/newsindex.php?id=658309>